



Llywodraeth Cymru  
Welsh Government

[www.cymru.gov.uk](http://www.cymru.gov.uk)

Profion darllen a rhifedd  
yng Nghymru

**GWYBODAETH I RIENI /  
GOFALWYR BLWYDDYN 2 - 9**

# Cynnwys

Pam gafodd y profion cenedlaethol eu cyflwyno? .....	3
Sut brofion ydynt? .....	4
Pryd fydd y profi yn digwydd? .....	5
Oes rhaid i bob plentyn sefyll yr arholiadau? .....	5
Beth all y profion ddweud wrthyf am ddysgu fy mhlentyn? .....	6
Sut fydda i'n gwybod canlyniadau fy mhlentyn yn y profion? .....	7
Beth yw sgôr safonedig? .....	8 - 9
Pa mor ddibynadwy yw'r canlyniadau o'r profion hyn? .....	10
A ddylwn helpu fy mhlentyn i baratoi ar gyfer y profion? .....	10
Alla i helpu fy mhlentyn i wella eu darllen a'u rhifedd? .....	11
Cysylltiadau defnyddiol .....	12

## Gwybodaeth i rieni a gofalwyr

.....

Mae plant o Flwyddyn 2 i 9 bellach yn sefyll profion cenedlaethol mewn darllen a rhifedd pob haf. Mae'r daflen hon yn egluro beth fydd y profion yn ei olygu a'r hyn fydd canlyniadau'r profion yn ei ddweud am ddyngu eich plentyn.



## Pam gafodd y profion cenedlaethol eu cyflwyno?

---

Mae ysgolion wedi defnyddio profion erioed i weld pa mor dda y mae plant yn datblygu. Mae trefnu profion cenedlaethol sydd wedi'u datblygu'n benodol i Gymru'n golygu fod gan athrawon ym mhob ysgol yr un gwybodaeth o ran sgiliau darllen a rhifedd eu disgyblion. Mae hefyd yn ei gwneud yn bosibl i gael darlun o lwyddiant cenedlaethol yn y pynciau hyn. Gall y profion gymharu llwyddiant mewn darllen a rhifedd yn eu hysgolion gyda'r hyn sy'n digwydd yn genedlaethol.



## Sut brofion ydynt?

### Darllen

---



Mae'r profion darllen yn cynnwys cwestiynau byr yn seiliedig ar ddau neu fwy o destunau. Bydd rhai o'r cwestiynau yn canfod pa mor dda y mae'r disgybl wedi deall y testun, a'r lleill yn anelu at weld a yw plant yn gallu llunio barn am yr hyn y maent yn ei ddarllen. Cyn i'r prawf ddechrau, caiff y plant gyfle i ymarfer rhai cwestiynau er mwyn iddynt wybod sut fathau o gwestiynau yw'r ddau fath, a'r hyn fydd yn cael ei ofyn.

Mae profion darllen yn y Gymraeg a'r Saesneg. Mae pob prawf yn cymryd hyd at awr ond caiff y plant ieuengaf seibiant hanner ffordd drwy'r prawf. Mae plant ym Mlynnyddoedd 4 i 9 mewn ysgolion cyfrwng Cymraeg yn sefyll y profion yn y ddwy iaith. Dim ond y prawf darllen Cymraeg mae disgwyl i blant ym Mlynnyddoedd 2 a 3 eu cymryd, er y gall ysgolion ddewis i adael i ddisgyblion Blwyddyn 3 sefyll y prawf darllen Saesneg hefyd.

### Rhifedd

---

Mae dau fath o brofion rhifedd.

1. Mae'r prawf gweithdrefnol yn mesur sgiliau rhif, mesur a data.
2. Mae'r prawf rhesymu yn mesur pa mor dda y gall blant ddefnyddio yr hyn y maent yn ei wybod i ddatrys problemau pob dydd.

Mae cyfieithiadau Cymraeg a Saesneg ar gael ar gyfer y ddau brawf. Mae pob prawf rhifedd yn cymryd hyd at hanner awr, ond eto, caiff y plant ieuengaf egwyl yn ystod y profion.



## Pryd fydd y profi yn digwydd?

Bydd pob ysgol yn rhoi'r prawf i'w disgyblion yn ystod y cyfnod o **7 i 13 Mai 2014**. O fewn y cyfnod hwn, mae'n rhaid i'r ysgol drefnu amserlen y profion a dylent adael i chi wybod pryd fydd eich plentyn yn sefyll y profion. Gall y plant sefyll y profion mewn grwpiau dosbarth neu mewn grwpiau mwy, efallai yn neuadd yr ysgol.

## Oes rhaid i bob plentyn sefyll yr arholiadau?

Dylai'r rhan fwyaf o blant sefyll y profion, ond efallai y bydd angen trefniadau mynediad arbennig ar rai ohonynt. Er enghraifft, mae fersiynau print bras a Braille o'r profion ar gael i blant sydd â phroblemau gweld. Nifer fechan iawn o blant fydd ddim yn gallu sefyll y profion. Bydd penaethiaid yn ystyried yn ofalus a ddylai rhai plant sefyll un neu fwy o'r profion.



## Beth all y profion ddweud wrthyf am ddysgu fy mhlentyn?

---

Gall y profion roi gwybodaeth ddefnyddiol i ychwanegu at yr hyn y mae athro eich plentyn yn ei wybod am eu sgiliau darllen a'u rhifedd o'u gwaith bob dydd yn y dosbarth. Gall athrawon ddefnyddio'r canlyniadau i nodi cryfderau a hefyd y meysydd ble mae'n bosib y bydd angen rhagor o help. Efallai y byddant yn rhannu'r wybodaeth hon gyda chi yn ystod cyfarfodydd rhieni.



Fodd bynnag, dim ond profi ystod cyfyng o sgiliau a galluoedd y gall unrhyw un prawf ei wneud. Ni all y profion darllen roi unrhyw wybodeth am sgiliau siarad, gwranddo neu ysgrifennu. Ni all y profion rhifedd profi dealltwriaeth eich plentyn o ffurf a gofod. Ni fydd rhai plant yn rhoi o'u gorau ar ddiwrnod y prawf. O ganlyniad, ni fydd canlyniadau'r prawf ohonynt eu hunain yn rhoi darlun cyflawn o'u gallu. Mae pob prawf wedi'i gynllunio i fesur cyrhaeddiad ar draws yr ystod disgwylidig ar gyfer pob grŵp blwyddyn. Ni fydd y profion yn rhoi gwybodaeth ddibynadwy bob amser am blant sy'n gweithio ar eithaf yr ystod ar gyfer eu hoedran.

Mae'n bwysig i drafod cynnydd eich plentyn gyda'u hathro yn seiliedig ar y dystiolaeth sydd ganddynt, yn hytrach na chanolbwyntio ar ganlyniad un prawf. Mae hefyd yn bwysig i gofio nad yw pob plentyn yn datblygu ar yr un raddfa.

## Sut fydda i'n gwybod canlyniadau fy mhentyn yn y profion?

.....

Erbyn diwedd tymor yr haf, byddwch yn derbyn canlyniadau gan yr ysgol o bob prawf mae eich plentyn wedi'i sefyll. Dylid darllen y canlyniadau ochr yn ochr ag adroddiad blynyddol eich plentyn.

Dros gyfnod o amser dylai fod yn bosibl rhoi gwybodaeth i chi fel y gallwch weld pa gynnydd mae eich plentyn yn ei wneud wrth ddatblygu sgiliau darllen a rhifedd. Mae creu graddfa sgôr cynnydd ar gyfer pob plentyn rhwng Blwyddyn 2 a Blwyddyn 9 yn cymryd mwy o amser na'r disgwyl felly dim ond y sgôr safonedig fydd yn cael ei chyhoeddi eleni.



## Beth yw sgôr safonedig?

---

Nid yw sgôr o '6 allan o 10' er enghraifft yn ystyried pa mor anodd yw prawf neu sut y mae un plentyn wedi ei wneud o gymharu â phlant eraill sy'n sefyll y prawf. Os yw y rhan fwyaf o'r disgyblion eraill oedd yn sefyll y prawf wedi cael sgôr o 9 allan o 10, yna nid yw 6 yn sgôr dda. Ond os mai 2 allan o 10 oedd cyfartaledd y sgôr, yna mae 6 yn sgôr dda iawn. Bydd y sgôr safonedig o'r profion cenedlaethol yn dweud wrthyhych

pa mor dda y mae eich plentyn wedi perfformio o gymharu â phlant eraill o'r un oedran sy'n sefyll yr un prawf ar yr un pryd. Mae'r sgôr safonedig ar gyfartaledd wedi ei bennu ar 100 a bydd gan oddeutu dwy ran o dair o'r plant sy'n sefyll y prawf sgôr safonedig o rhwng 85 a 115. Felly, **gallai** sgôr safonedig sy'n is na 85 olygu bod rhywfaint o anhawster gyda darllen neu rifedd fel y caiff ei fesur yn y prawf.





Mewn rhai achosion, gallai cymhlethdod y cwestiynau mewn prawf olygu nad yw'n bosib cofrestru sgôr safonedig ar gyfer plentyn ble mae eu sgiliau darllen a rhifedd yn datblygu'n arafach na'r disgwyl. Dim ond 'llai na 70' fyddai'n bosib ei roi. Os mai dyma'r achos, bydd athro eich plentyn yn defnyddio dulliau eraill i asesu sut y mae eu sgiliau yn datblygu. Un o'r pethau y gallai athro ei wneud fyddai gadael i'ch plentyn ateb y cwestiynau o brawf ar gyfer y grŵp blwyddyn is i weld a yw hyn yn helpu i gael darlun gwell o ble, o bosibl, y mae angen help er mwyn gweld cynnydd.



Felly hefyd, dim ond sgôr safonedig o 'dros 140' y gellir ei roi i'r rhai sy'n cyflawni'n uchel iawn, gan nad yw'r prawf yn mesur terfyn eu sgiliau. Eto, bydd yn bosibl i'r athrawon roi mwy o wybodaeth i chi am allu eich plentyn.



## Pa mor ddibynadwy yw'r canlyniadau o'r profion hyn?

.....

Mae'r Sefydliad Cenedlaethol er Ymchwil i Addysg, gyda chingor gan ymarferwyr ac arbenigwyr ledl-led Cymru, wedi datblygu'r profion a'r modelau ystadegol ar gyfer y sgoriau. Mae rhai o nodweddion y profion yn gyfarwydd iawn, ac eraill megis y modd y gellir tracio'r cynnydd dros gyfnod o amser yn newydd ac wedi'u creu i fodloni gofynion penodol Llywodraeth Cymru. Dechreuodd y gwaith o ddatblygu'r profion yn ystod yr hydref 2012 ac mae'r gwaith o sicrhau bod canlyniadau'r profion mor gywir â phosib wedi parhau yn dilyn eu defnyddio 'yn fyw' am y tro cyntaf yn ystod yr haf 2013.

## A ddylwn helpu fy mhlentyn i baratoi ar gyfer y profion?

.....

Na ddylech. Un darn o dystiolaeth yw'r profion am gyflawniad eich plentyn. Y ffordd orau i baratoi eich plentyn yw gwneud yn siŵr nad ydynt yn poeni.





## Alla i helpu fy mhlentyn i wella eu darllen a'u rhifedd?

---

Gallwch, yn bendant! Gall helpu gyda dysgu eich plentyn yn y cartref a thu allan i'r cartref wneud gwahaniaeth mawr i'w datblygiad. Byddai unrhyw un o'r canlynol yn help mawr.

- Mae darllen a siarad am unrhyw fath o destun megis llyfrau, cylchgronau, tudalennau ar y we, taflenni, hysbysebion.
- Defnyddio rhifau wrth siopa, cynllunio teithiau, edrych ar sgoriau pêl-droed, amser rhaglenni teledu.
- Rhannu gweithgareddau sy'n golygu darllen a rhifedd fel coginio, chwarae gemau bwrdd, gwylio neu gymryd rhan mewn chwaraeon, ysgrifennu e-byst.
- Trafod geiriau a rhifau rydych yn dod ar eu traws o ddydd i ddydd.

## Cysylltiadau defnyddiol

Cewch ragor o gyngor a chanllawiau ar gynorthwyo eich plentyn wrth ddarllen a thrin rhifau drwy edrych ar y gwefannau canlynol.

**Darllen yn well** – awgrymiadau a syniadau defnyddiol am sut i ddarllen â phlentyn.  
[www.betterreading.co.uk/cy](http://www.betterreading.co.uk/cy)

**Rho amser i ddarllen** – tudalen Facebook sy'n codi ymwybyddiaeth o'r pwysigrwydd o wneud amser i ddarllen gyda plant.  
[www.facebook.com/maketimetoread](http://www.facebook.com/maketimetoread)

Mae **Booktrust Cymru** wedi creu ystod o raglenni a phrosiectau i helpu unigolion o bob oed a chefnidir i fwynhau darllen a rhifedd.  
[www.booktrust.org.uk/cymru](http://www.booktrust.org.uk/cymru)

Adnodd ar-lein rhad ac am ddim gan y **BBC** i helpu plant gyda'i gwaith cartref.  
[www.bbc.co.uk/cymru/dysgu](http://www.bbc.co.uk/cymru/dysgu)

**Llyfrgelloedd Cymru** – gallwch gael gwybod beth sy'n digwydd mewn llyfrgelloedd, chwilio am lyfrau, ymuno ar lein, dod o hyd i'ch llyfrgell agosaf, gofyn cwestiynau anodd, darllen adolygiadau ar lyfrau, a llawer mwy.  
[www.welshlibraries.org/cy](http://www.welshlibraries.org/cy)

**Y Sbridiau ar Hwb** – Amrywiaeth o gemau ysgogol a heriol wedi'u seilio ar gymeriadau'r Sbridiau i ddatblygu sgiliau rhifedd.  
<http://bit.ly/1fKiWLL>

**BBC Cyngor i rieni\*** – o help gyda gwaith cartref i Anghenion Addysgol Arbennig, gwybodaeth am sut i helpu eich plentyn yn yr ysgol.  
[www.bbc.co.uk/schools/parents](http://www.bbc.co.uk/schools/parents)

**Estyn** – gwybodaeth am berfformiad eich ysgol.  
[www.estyn.gov.uk](http://www.estyn.gov.uk)

**Prydau ysgol am ddim** – ewch i <http://bit.ly/1j5BVj7> i weld os ydych yn gymwys

**Newid am Oes** – syniadau am brydiau bwyd i gadw chi a'ch teulu'n holliaich.  
[www.change4lifewales.org.uk/?skip=1&lang=cy](http://www.change4lifewales.org.uk/?skip=1&lang=cy)

**MEIC** – Llinell gymorth eiriolaeth, gwybodaeth a chyngor i blant a phobl ifanc.  
[www.meiccymru.org/cy](http://www.meiccymru.org/cy)

**Her darllen yr haf\*** – darllen drwy'r gwyliau haf.  
[www.summerreadingchallenge.org.uk](http://www.summerreadingchallenge.org.uk)

**Hwb** – platfform dysgu Cymru, yn llawn adnoddau defnyddiol.  
<https://hwb.wales.gov.uk>

**Sut mae ysgol eich plentyn yn perfformio?** Gwefan sy'n rhoi gwybodaeth am berfformiad ysgolion ledled Cymru.  
<http://mylocalschool.wales.gov.uk>

\* Dim ond yn Saesneg y mae'r wefan hon ar gael.